

=====

Leeg een Schipp op Wersergrund,
dat to hieven schien wat licht.
Blots dann geew dat den Befund :
de... twee Kranen wuppt dat nicht.

Dat harr Löker as so'n Kees,
wull ut'n Water nich herut ;
sorg so daagelang för Rees,
blots de Schornsteen keek hoch rut.


Antosehn rund um de Klock
weer dat een gor seltsam Spill ;
optofülln dat Sommerlock :
an de Slachte dicht bi'n Brill.

Kloken Rat geew't bannig veel,
doch de Ursaak bleew verdeckt .
Elkeen denkt sick woll sien Deel :
Werserschlick hett allns verdreckt.

Doch de Berger hett dat bört,
kreeg dat mit veel Möhen kloor. -
Wat nu mit dat Wrack passeert,
blifft Problem för mennich Joahr .

Geiht wat jichtens över Staag :
De Versekrung mutt betohln.
Mit so'n lütten "Welle"-Slag
kann de Eigner sick verholn ...

ERNST B.R. DÜNNBIER



September 1994